



*ODLUKA
O DODJELI PRIZNANJA
„POČASNI GRAĐANIN GRADA SARAJEVA“
(Prijedlog)*

*Predlagač: Komisija za izbor i imenovanja
Obrađivač: Gradska služba za Gradsko vijeće*

Sarajevo, februar 2019. godine

Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08), kao i na osnovu člana 7. Odluke o priznanjima i nagradi Grada Sarajeva („Službene novine Kantona Sarajevo“, broj 34/10, 14/14 i 31/14), Gradsko vijeće Grada Sarajeva, na sjednici od _____ godine, donijelo je

(Prijedlog)

**ODLUKU
O DODJELI PRIZNANJA
„POČASNI GRAĐANIN GRADA SARAJEVA“**

Član 1.

Dobitnik priznanja „Počasni građanin Grada Sarajeva“ je *Kongresmen Chris Smith*.

Član 2.

Priznanje se dodjeljuje u obliku Povelje Grada Sarajeva.

Član 3.

Priznanje se uručuje na Svečanoj sjednici Gradskog vijeća Grada Sarajeva.

Član 4.

Ova Odluka stupa na snagu danom donošenja, a objavit će se u «Službenim novinama Kantona Sarajevo».

PREDSJEDAVAJUĆI GRADSKOG VIJEĆA

Dr. Igor Gavrić

Broj: 01-GV-02- /19

Datum: _____ godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 18. Statuta Grada Sarajeva, kojim su utvrđene nadležnosti Gradskog vijeća Grada Sarajeva za donošenje Odluka o priznanjima i nagradi Grada Sarajeva. U članu 7. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14 i 31/14) je propisano, između ostalog, da se „Počasnim građaninom može proglasiti i strani državljanin koji je ostvario naročit doprinos razvoju i afirmaciji Grada, te razvoju međunarodnih i međuljudskih odnosa, na načelima solidarnosti, demokratičnosti, humanosti i tolerancije među ljudima.” Odredbama člana 15. stav 2. Odluke o priznanjima i nagradi Grada Sarajeva propisano je, između ostalog, da Gradsko vijeće donosi odluku o dodjeli priznanja, a odredbama člana 12. i 13. Odluke o priznanjima i nagradi propisani su ovlaštene predlagači (između ostalog i gradonačelnik) i sadržaj prijedloga.

RAZLOZI DONOŠENJA

Gradonačelnik grada Sarajeva mr. Abdulah Skaka, uputio je Komisiji za izbor i imenovanja Gradskog vijeća Grada Sarajeva prijedlog da se Kongresmenu Chris Smithu dodjeli priznanje „Počasni građanin Grada Sarajeva“. Podneseni prijedlog sa obrazloženjem, u prilogu je ove Odluke. Komisija za izbor i imenovanja Gradskog vijeća Grada Sarajeva je razmotrila prijedlog, te utvrdila Prijedlog Odluke i uputila ga Gradskom vijeću na razmatranje.

RJEŠENJA IZ PREDLOŽENE ODLUKE

Usvajanjem ove odluke Gradsko vijeće u članu 1. proglašava imenovanog Počasnim građaninom Grada Sarajeva, a u članu 2. određuje da se Počasnom građaninu uručuje Povelja Grada Sarajeva. U članu 3. se naglašava da se Povelja Grada Sarajeva uručuje na Svečanoj sjednici Gradskog vijeća. Članom 4. je definirano stupanje na snagu usvojene odluke i obaveza objavljivanja u „Službenim novinama Kantona Sarajevo”.

SREDSTAVA ZA PROVOĐENJE ODLUKE

Sredstva za provođenje ove odluke se osiguravaju u Budžetu Grada Sarajeva.



Broj:01-05-1243/19
Sarajevo, 12.02.2019.godine

GRADSKO VIJEĆE GRADA SARAJEVA
PREDSJEDAVAJUĆI GRADSKOG VIJEĆA
Komisija za izbor i imenovanja

Predmet: Prijedlog za dodjelu priznanja „Počasni građanin Grada Sarajeva”

Poštovani,

U skladu sa odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14 i 31/14) kojom je, između ostalog, propisano da prijedlog za dodjelu priznanja može podnijeti gradonačelnik Grada Sarajeva, podnosim

PRIJEDLOG
da se dodjeli priznanje „Počasni građanin Grada Sarajeva”
Kongresmenu Chris Smithu

OBRAZLOŽENJE

Kongresmen Chris Smit (rođen 1953. godine) je republikanski kongresmen iz savezne države New Jersey. Član je Predstavničkog doma Kongresa SAD. Prvi put je izabran u Kongres 1980. godine i od tada je član ovog zakonodavnog tijela. Dopredsjedavajući je Kluba prijatelja BiH u Kongresu od 2007. godine do danas.

U toku agresije na Bosnu i Hercegovinu kongresmen Chris Smith bio je jedan od aktivnih kongresmena koji je tražio zaustavljanje agresije i genocida.

Svoju političku karijeru izgradio je kao zagovornik ljudskih prava, sponzorirajući brojne zakone o ljudskim pravima i anti-trgovini ljudima i vodeći misije za ljudska prava u druge zemlje.

Posebno treba istaći ključne poteze podrške BiH.

U toku agresije na BiH, kongresmen Crish Smith je skretao pažnju Kongresa i američke javnosti na situaciju u BiH.



Također, bio je jedan od glavnih zagovornika u američkom kongresu za ukidanje embarga na oružje za BiH. U periodu od 1992.-1995. godine glasao je za prijedloge zakona s ciljem ukidanja embarga na oružje u BiH.

Smith je aktivno učestvovao u radu Helsinške komisije SAD. U nizu saslušanja održanih od 1992. do 1995, Komisija je skretala pažnju na opsadu grada Sarajeva i tražila američku intervenciju.

Poslije masakra na Markalama, Helsinška komisija je održala posebno saslušanje. I ovoga puta, kongresmen Crish Smith je još jednom ukazao na opsadu glavnog grada BiH i pozvao administraciju predsjednika Bill Clintona da zaustavi rat.

Kongresmen Crish Smith je 1995. postao i predsjedavajući Helsinške komisije te je 6. april 1995. sazvao saslušanje povodom treće godišnjice početka opsade Sarajeva. Sazivajući saslušanja i učestvujući u radu ovog tijela, kongresmen Crish Smith je nastojao agresiju u BiH i napore da se ista zaustavi držati stalnom temom u Vašingtonu.

Kongresmen Crish Smith je i poslije rata učinio značajne napore da se očuva sjećanje u Kongresu SAD ali i šire na agresiju i na opsadu Sarajeva.

Na 10. godišnjicu genocida u Srebrenici kongresmen Crish Smith je predložio rezoluciju (H.Res. 199) kojom je potvrđen stav Predstavničkog doma Kongresa SAD iz 2005. da je izvršen genocid u Srebrenici i BiH. U toj rezoluciji stoji da su "nedužni građani Sarajeva i drugih mjesta bili stalno izloženi granatiranju u snajperskim napadima."

Na 20. godišnjicu genocida u Srebrenici, Kongresmen Crish Smith je predložio rezoluciju (H.Res. 310) koju je usvojio Predstavnički dom Kongresa SAD. Ovom rezolucijom skreće se pažnja na godišnjicu genocida ali i osuđuje sve veća pojava negiranja genocida.

Na ovaj način je u dokumentima američkog Kongresa još jednom potvrđena istina o događajima u Sarajevu i BiH od 1992. do 1995. godine.

Zbog svega toga što je učinio za našu državu,

- Zbog javne i kontinuirane podrške državi BiH u toku agresije, te kontinuiranog zalaganja za ukidanje embarga na oružje za BiH;
- Zbog kontinuiranog zalaganja za obilježavanje genocida u BiH. Angažman kongresmena Smitha pretočen je u zvaničan stav Kongresa SAD o priznanju i obilježavanju 11. Jula;
- Zbog podrške Bosni i Hercegovini kroz vodstvo Kluba prijatelja BiH u Kongresu;
- Zbog pokazane dosljednosti prema državi BiH od 1992. do danas.

Smatram da kongresmen Chris Smith zaslužuje da mu se dodjeli priznanje „Počasni građanin Grada Sarajeva”.

S poštovanjem,

Gradonačelnik

mr. Abdulah Skaka, s.r.